

題俱曇彌舍利著鉢中持授佛佛即以兩手
受之摩訶卑耶和題俱曇彌舍利已受佛便
告衆比丘僧是女人聚舍利也本是惡身急
弊卒暴輕心數轉嫉妬摩訶卑耶和題俱曇
彌已捨女人聚身男子所應得者摩訶卑耶
和題爲已得也是時佛令耶游陀迦羅越衆
比丘僧共爲摩訶卑耶和題俱曇彌并五百
比丘尼起塔已起塔及惟舍利國人民及諸
天人皆共事摩訶卑耶和題俱曇彌并五百
比丘尼塔佛說如是諸比丘皆歡喜起前爲

佛作禮而去

大愛道般涅槃經

佛母般泥洹經

劉宋沙門釋 慧簡譯

聞如是一時佛在維耶梨國行在獼猴水邊
拘羅曷講堂上大愛道比丘尼者即佛姨母
也時在維耶梨國與除釐女五百人俱皆是

佛母逮諸除饑女五百人今皆善逝宜當法
會四方俱然於是四方各二百五十應真神
足飛來稽首佛足佛起至大愛道舍利所千
比丘從皆就座佛告阿難取舍利盛之以鉢
著吾手中阿難如命以鉢盛舍利長跪授佛
佛以兩手受之告諸比丘斯聚舍利本是穢
身兇愚急暴輕心疾轉嫉妬陰謀敗道壞德
爲亂作先之類今母拔女人兇愚之穢爲丈
夫行獲應真道還靈本無淨過虛空行高無
蓋何其健哉佛告諸比丘及理家衆共爲母

及諸應真女興廟僉曰唯然於是天人鬼龍
興廟立表華香作樂遶廟三帀哀音震國諸
佛敬信輒說生死爲苦三界無安以釋來者
莫不歡喜稽首而去
佛母般泥洹經

佛般泥洹後變記

我般泥洹後百歲我諸弟子沙門聰明智
慧如我無異我般泥洹後二百歲時阿育
王從八王索八斛四斗舍利一日中作八
萬四千佛圖三百歲時若有出家作沙門

一日中便得道四百歲時數念佛及法以

比丘僧供養和尚阿闍梨五百歲時沙門

婆羅門及人民無不啼泣念佛者六百歲

時諸沙門便行入山中樹下冢間求道七

百歲時便行內外學經若有沙門婆羅門

變九

十七

問事無不解了悉壞九十六種外道八百

歲時便復念行作佛圖染疾次作佛圖九

百歲時便念行治生求利害處所千歲時

便行與國王相隨教習兵法戰陣自行屠

殺妻娶婦女

佛般泥洹後變記

佛說聖法印經

西晉三藏竺法護譯

聞如是一時佛在舍衛國祇樹給孤獨園是
時佛告諸比丘聽諸比丘唯諾受教佛言當
爲汝說聖法印所應威儀現清淨行諦聽善